

靈寶領教濟度金書卷之二百四十四 真

洞微高士聞光教若真人案本具校
靈寶通方教水南先生林靈真編

科儀立成品祈壽用

早朝行道儀

燒香頌

各禮師存念如法

宜衛靈呪

青陽虛映耀日回靈神虎辟邪飛天統鈴
推奸賊試萬魔東形九微回道八威攝精
千真校錄三元滂清左嘯中黃右策六丁
七轉八合周旋天經聖化巍巍三道順行
慶雲流布合景黃庭和與道合真

鳴法鼓二十四通

无上三天玄元始三炁太上道君召出自身
中三五功曹左右官使者侍香金童傳言玉
女五帝直符直日香官各三十二人出出者
嚴裝闡啓玄壇天帝神君當召此間土地里
域真官正神急上關啓臣今奉為入拜者以
今早朝陞壇行道願得

玉清道炁靈寶妙光下降流入臣等身中今
臣所啓速達還御

太上无極大道至真玉皇上帝御前

請稱法位

具位臣等與臨壇官眾等謹同誠上啓

虛无自然元始天尊無極大道太上道君太
上老君昊天至尊玉皇上帝紫微天皇大帝
紫微北極大帝后土皇地祇南極長生大帝
東極青華大帝好生大人真君九天應元雷
聲普化天尊長生保命天尊福生無量天尊
十方靈寶天尊十方已得道大聖來至真諸
君大人諸天大帝瓊闕高真玄都玉京金闕
七寶瓊臺紫微上宮靈寶至真明皇道君上
相上宰上保上傳四司五帝十二仙卿三十
六部尊經玄中大法師三天大聖師靈寶經
籍度三師真君靈寶官屬三界真靈伏闕元
始開圖六合煥真風之被虛皇御運八圓流
慧日之輝上受理於天綱下裁成於地紀爰
清爰靜鑿帝江於混沌之初曰希曰夷鼓聖
海於洪濛之後主張靈籙典領權衡等抗

志玄關潛心道域卑棲塵棘莫觀妙於黃房
高蹈煙林徒凝玄於紫戶誓立功而補過期
領教以學真凡有皈投敢忘闡告既奉詞音
敢不上聞齋意青詞謹當宣奏

宣詞

按如詞旨備切忱恂伏聞無侮老成本商家
之舊訓專事黃耆實周室之格言惟薦生期
衍於修齡而涉世每懷於眉壽諳練之久故
登朝明養老之儀揚歷之多故入鄉崇尚齒
之制年華益茂操履逾堅皆慈帝造之憐憫
遂俾民生之壽考今齋主其五靈孕質三炁
流形感儀璘之照臨荷乾坤之覆載傳家文
獻每遊宴於福基歷世詩書期安闕於壽址
門閭高大孫子繁昌自非請命於玄穹焉使
承恩於黃混爰崇月陞恭啓雲囊真龍壁於
十華羅鳳縉於五鎮空詞振響覺旌浮騰露
之光梵唱流明羽葆舞霓之影寶華四雨
鈞樂九成輅白玉之真光降紫金之瑞相為
齋主其獨消過舒衍年齡傳幽顯以感恩
合天人而受慶以今早朝行道請法眾等連

茲初捨上香

願此香煙騰空逕上供養

无上至真道寶_臣等皈身皈神皈命首體投

地願以是功德上祝

皇帝陛下伏願道契勳華功高履發八駭行

地願浩渺之福源大龍御天背嶙峋之壽址

四塞來梯航而入貢九圓奉玉帛以趨朝紫

宸朝班奏夏謨之允治黃麾曉仗調周雅之

太平今故燒香自皈依

師尊大聖眾至真之德得道之後保天長存

和與道合真

以今早朝行道諸法眾等運茲二捨上香

願此香煙騰空逕上供養

无上至真經寶_臣等皈身皈神皈命首體投

地願以是功德歸流禱主恭伏願冀齊天

松筠耐歲眉皓髮精神式固於期願白首

蒼顏步武永堅於躋鏗動止而逍遙壽域行

藏而出入福鄉無難無災坐看綵衣之明媚

有祥有慶齊觀竹馬之歡迎今故燒香自皈

依

師尊大聖眾至真之德得道之後長保和平

和與道合真

以今早朝行道諸法眾等運茲三捨上香

願此香煙騰空逕上供養

无上至真師寶_臣等皈身皈神皈命首體投

地願以是功德歸流四獄九牧萬姓三軍伏

願變理陰陽寅亮天地出懸屏翰宣慈祥豈

弟之風入位疑丞盡獻納論思之德徽塞絕

防秋之警要荒無坐夏之虞方域春融靜綠

林而無競園扉晝寂鞠芳草以相歡今故燒

香自皈依

師尊大聖眾至真之德得道之後永保清寧

和與道合真

禮方

三啓頌

樂法以為妻 愛經如珠玉 持戒制六情

念道遺所欲 澹泊正氣停 蕭然神靜默

天魔並敬護 世世受大福

三禮

臣等至心稽首禮

太上無極大道

臣等至心稽首禮

三十六部尊經

臣等志心稽首禮

玄中大法師

重稱法位

具位_臣某與臨壇官眾等謹同誠上啓

虛无自然元始天尊無極太極太上道君太

上老君昊天至尊玉皇上帝紫微天皇大帝

紫微北極大帝后土皇地祇南極長生大帝

東極青華大帝好生丈人真君九天應元雷

聲善化天尊長生保命天尊福生無量天尊

十方靈寶天尊十方已得道大聖眾至真諸

君上八人諸天上帝瓊闕高真玄都玉京金闕

七寶瓊臺紫微上宮靈寶至真明皇道君上

相上宰上保上傅四司五帝十二仙卿三十

六部尊經玄中大法師三天大聖師靈寶經

籍度三師真君靈寶官屬三界真靈伏聞八

千歲為春八千歲為秋仰靈椿之不老三千

年結花三千年結實羨蟠桃之長春觀乾坤

期全草木之生宜陰陽格注人民之壽蒼髯尚墨素臉猶丹自非金花鬱勃之玄關與夫玉藥豐茸於絳室焉能却老立致還童今齋主某志在延年心期住世切慮稟生之後歷劫之前心混客塵性迷俗網六賊自蔽恣網常以焚天和三惑不除昧操脩而拘人欲元臘不守於齋戒節會莫謹於朝脩致黑簡之書名或玄曹之紀字宿愆未緜新慶重增自非皈命於上玄何以流恩於下界建齋行道仰祈禱赦之數羅燒香散花肅肅洪釐之浩蕩伏冀玄虛錫羨碧落垂麻灑沐前愆俾身心之氷瑩拔除舊垢今福祿之川增享康寧富壽之麻集安靜和平之祉春風竟覽龜齡式固於朝容秋月蕙纓鶴算益凝於晚節五福攸萃三壽作朋滿百歲以遊遊合一家而宴喜蒙如丹禱允被玄恩上願地平天成河清海晏川流山峙草秀木蕃澤被禽魚省友天躍淵之樂恩沾動植無焚林竭澤之憂五道停輪三途罷對朝有芝蘭之富鉛繫有動野無荆棘之滋糧鋤曉潤村村而細處處風

輒則上明
天尊大慈之化下副_且等皈命之誠謹啓以聞

發願

- 一 念為道四大合德齋主七世父母免脫憂
- 二 念帝王國主道化興隆庠序濟濟皇教恢弘威儀翼翼善天所瞻民稱太平四夷賓伏妖惡自滅賢聖日生
- 三 念法師功德大建教化明達俱獲飛仙
- 四 念同志學人早得仙道更相關度
- 五 念九親和睦好尚仁義貴道賤財行為物範
- 六 念損已布施道士及饑寒者天下人民各得其所
- 七 念蠕動改行一切眾生咸蒙成就
- 八 念赦貫前生今世罪對立功補過
- 九 念家門隆盛宗廟有人世生賢才
- 十 念尊受師經不敢中怠平等一心廣度一切克獲上仙白日登天拜見太上永成真

人雲車羽駕和與道合真

存神燒香

香官使者左右龍虎君侍香諸靈官當今_且建齋之所自然生金液丹碧芝英百靈眾真交會在此香火爐前今_且學道得道求仙得仙齋主受福幽顯沾恩十方仙童玉女侍衛蘭煙傳_且向來所啓速速逕御
太上元極大道至真玉皇上帝御前
出堂頌

午朝行道儀

各禮師存念如法

宣衛靈呪

丹靈朱火 炎霞激風 赤輪剛運 天光八衝
逆威包羅 交變萬方 流金豁落 群魔滅蹤
辟奸破妖 明耀無功 金符召制 躡雲乘龍
誦誦慶會 散花太空 神化冥運 四極安隆
伏御帝前 罔有不恭 和與道合真

鳴法鼓二十四通

无上三天玄元始三炁太上道君召出_且身
中三五功曹左右官使者侍香金童傳言玉

女五帝直符直日香官各三十六人出出者
嚴蒙開啓玄壇天帝神君當召此間土地里
域真官正神急上開啓臣今奉為八林志以
今午朝隆壇行道願得

玉清道炁靈寶妙光下降流入臣等身中今

臣所啓速達逕御

太上无極大道至真玉皇上帝御前

請稱法位

具位臣某與臨壇官眾等謹同誠上啓

虛无自然元始天尊無極大道太上道君太

上老君昊天至尊玉皇上帝紫微天皇大帝

紫微北極大帝后土皇地祇南極長生大帝

東極青華大帝好生丈人具君九天應元雷

聲普化天尊長生保命天尊福生無量天尊

十方靈寶天尊十方已得道大聖眾至真諸

君丈人諸天天帝瓊闕高真玄都玉京金闕

七寶瓊臺紫微上宮靈寶至真明皇道君上

相上宰上保上傳四司五帝十二仙卿三十

六部尊經玄中大法師三天大聖師靈寶經

籍度三師真君靈寶官屬三界真靈伏聞道

運鴻濛判三靈而宰制教敷混洞包五太以

綱維上參四象之常下幹兩儀之變開明三

景鼓聖海於象帝之先回度五常鑿帝江於

開天之後無物不宗於元始有生孰外於虛

皇臣等輟耐疎材并蛙短識經行領教懼貽

玄憲於雷霆冥坐學真荷運丹章於雨露競

競補過切切立功凡有皈投敢志奏對今領

詞旨所盍上聞

宣詞

按如詞旨備極衷誠伏聞次舍輻周仰壽星

於鄭國疆域輪轉企老人於秦邦南樞司壽

命之期北極職年齡之數天皇萬八千歲本

清靜以長生廣成千二百年抱冲和而不老

陰注陽受緯肇經承賦形雖具於人間孕質

允原於天上今齋主某勤拳心稽迫切誠通

念兆劫之植因荷億齡之稟庶學詩學禮繼

先世以流芳潤屋潤身裕後昆而垂統兒孫

袞袞門戶輝輝欲期五福以川增希滿壽齡

而日祭匪絲帝力曷遂民情爰法象於星壇

庸顯投於雲陛門羅四極攝列三重紫精備

祭於華林光凝象外玄景氤氳於鸞樹悉煥

天中延翠玉之真尊輅珠旒之至聖為齋主

非消災謝過保命延生俾內外以蒙惠合人

天而介祉以今午朝行道請法眾等運茲初

檢上香

願此香煙騰空逕上供養

无上至真道寶臣等皈身皈神皈命首體投

地願以是功德上祝

皇帝陛下伏願道運三王德高五帝日觀齊

岱宗之頂壽址魏哉天潢接崑崙之源福基

浩渺治定會同於五服勳成響應於八遐九

功可歌合車書而拱極七德宜舞來玉帛以

朝元今故燒香自皈依

師尊大聖眾至真之德得道之後保天長存

和與道合真

以今午朝行道請法眾等運茲二檢上香

願此香煙騰空逕上供養

无上至真經寶臣等皈身皈神皈命首體投

地願以是功德皈流齋主某伏願量契尊奉

器俾瑚璉天錫純嘏培介壽以無垠神相蕃

釐贊延齡而莫極鍊質而精神自固脩真而步武帶新紫綬金章享九遷之富貴朱顏綠鬢等十養之神仙今故燒香自皈依師尊大聖眾至真之德得道之後長享和平和與道合真

以今午朝行道請法眾等運茲三拾上香願此香煙騰空逕上供養

无上至真師寶_巨等皈身皈神皈命首體投地願以是功德皈流四嶽九牧萬姓三軍伏願體道憲天施仁制地面槐位棘入聯圭象之榮剖竹裁棠出楓檐帷之鈔勸折常而文治洽垂竹帛而武功成麥隴風輕開犁鋤而鼓舞榆關月澗傳刁斗以詔訝今故燒香自皈依

師尊大聖眾至真之德得道之後永保清寧和與道合真

禮方 懺方
命魔 步虛
三啓 三禮

重稱法位

具位_巨某與臨壇官眾等謹同誠上啓

虛无自然元始天尊无極大道太上道君太上老君昊天至尊玉皇上帝紫微天皇大帝紫微北極大帝后土皇地祇南極長生大帝東極青華大帝好生丈人真君九天應元雷聲普化天尊長生保命天尊福生無量天尊十方靈寶天尊十方已得道大聖眾至真諸君丈人諸天天帝瓊關高真玄都玉京金闕七寶瓊臺紫微上官靈寶至真明皇道君上相上宰上保上傳四司五帝十二仙卿三十六部尊經玄中大法師三天大聖師靈寶經籙度三師真君靈寶官屬三界真靈伏聞曰艾曰耆齒長預達尊之列云耆云耆舊人居共政之先髮種種以霜凝鬢星星而雪積年高德劭偉奕世之儀刑貌古神清儼盛時之模範侍前祝嘏立後乞言豈惟亘古之欽承寶亦當今之敬仰今齋主某殫誠事帝潔已瞻天懼葆華於歲華易侵凌於厄難壽山期聳福海宜深猶慮涉世以來稟生之後善無

鍊黍徇名利以網羅過有淵陵恣介翼而漁獵六淫放蕩九戒蒙迷或身命有犯於火羅或運限有干於的刃積怨未去宿垢莫捐愆昔五帝之司靈紀三官之錄未達蓋弄易致除年俾上壽以悠悠歷中年而漾漾非賴玄虛之曲赦曷令黃龍之承恩是以崇建壇場潔嚴儀衛歸心十極為燒香而散花請命三尊庸修齋而行道伏冀丙觀懇款申飭司存青編書壽考之名丹籍法年齡之字五行順軌七曜宜精歷日歷時門外之風波不滌閱年閏歲壺中之日月長新孫子盈庭詩書溢架椿齡茂悅欣快樂於百年松操貞堅薄夷猶於合室拳拳素禱切切丹忱上願方濁安寧圓清旋運三光朗晏六炁宣平風雨均調甘露零瀼於碧落山川輝潤醴泉融溢於黃垓未開同穎之祥麥秀兩岐之瑞化被草木息入林之斧斤澤及鱉魚絕臨深之網罟鬼無哭夜趣有乘晨則上明天尊大慈之化下副_巨等皈命之誠謹啓以聞

發願

一願大道淡泊虛无安閑空寂澄清自居廣
 開法門教導頑夫皆蒙惠澤精苦是情預
 以同學普得升虛與天相保長存無憂
 二願諸天結炁澄清高虛廣覆保真固靈氣
 候調節四運和平國安民豐普天開寧廣
 濟一切惠遠有生保劫長存億劫不傾
 三願土地覆載無窮安平不陷海淪不崩保
 鎮家國兆民興從養生安死惠周十方禾
 稼滋植管運日豐咸得厚載萬類皆從
 四願日月二景高明无有亭蝕虧盈安清光
 照諸天洞消暗冥保固劫運世祚和平普
 加潤惠澤灑眾生
 五願星辰與日月齊光轉燭照耀映朗十方
 各安其位經緯直行保鎮家國無有災傷
 四海寧一普天興昌
 六願四時隨節推遷景炁和調無有災患疫
 毒消滅普天安平五穀豐熟國富民歡
 七願浮雲結炁聚煙飛空高澄陰覆玄玄隱
 則無為散則彌天神仙同歸結友眾真惠

流一切興國愛民普濟群生人同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方巍巍包藏長為仙官安

鎮國祚保天無終護度一切莫不仰宗

十願江海蕩蕩无極含容恢廓無細不植淵

與柔惠潤加蟠息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟感化洋洋

兆庶稱慶長樂未央

十二願壇飛蠢動已生未生咸蒙安全普得

生成皆見元炁受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當令

建齋之所自然生金液丹碧芝英百靈眾真

交會在此香火爐前令學道得道求仙得

仙齋主受福幽顯沾恩十方仙童玉女侍衛

蘭煙傳向來所啓速達逕御

太上无極大道至真玉皇上帝御前

出堂頌

晚朝行道儀

各禮師存念如法

宣衛靈呪

五星高耀瑞炁飛浮元始集神天地交周

玉符寶節誦命微幽擲火揚威奸凶無留

萬魔振伏紛葩却消摧怪伐惡道炁同流

神光照夜陰翳俱收萬仙降格扇景乘馳

群生咸遂惠遍神州和與道合真

鳴法鼓二十四通

无上三天玄元始三炁太上道君召出

中三五功曹左右官使者侍香金童傳言玉

女五帝直符直日香官各三十六人出出者

嚴裝開啓玄壇天帝神君當召此間土地里

域真官正神急上關啓今奉為入齊悉以

今晚朝陞壇行道願得

玉清道炁靈寶妙光下降流入等身中令

臣所啓速達逕御

太上无極大道至真玉皇上帝御前

請稱法位

具位臣恭與臨壇官眾等謹同誠上啓

虛無自然元始天尊無極大道太上道君太上老君昊天至尊玉皇上帝紫微天皇大帝紫微北極大帝后土皇地祇南極長生大帝東極青華大帝好生丈人真君九天應元雷聲普化天尊長生保命天尊福生無量天尊十方靈寶天尊十方已得道大聖眾至真諸君丈人諸天天帝瓊闕高真玄都玉京金闕七寶瓊臺紫微上宮靈寶至真明皇道君上相上宰上保上傳四司五帝十二仙卿三十六部尊經玄中大法師三天大聖師靈寶經籍度三師真君靈寶官屬三界真靈伏聞無光無象潛疑一炁之中有數有滋默運萬形之內聖日陸離於空碧靈風流演於黃坡道妙難明混三才而化育功高不宰溥四極以生成凡居範圍執越陶冶臣等賦質庸庸受資鄙陋漱流枕石擬堅素志以早棲尋壑經丘莫守丹誠而高蹈尚懷濟度美答恩私今有青詞謹當宣奏

宣詞

按如詞旨諒垂洞聽伏聞壽原箕子為五福

之先辭演奉封推三祝之列惟精悉神安全於身內故福祿壽超拔於人間由青入玄守希夷而自樂回黃抱紫毓恬淡以回靈是為益算之方允號延齡之術博觀載藉旁證圖書自非練景以祈遐年曷克駐顏而資長壽今齋主某踐形天地肖貌陰陽親濁世之浮休歎勞生之倏忽九旬日晷可為前輩之典刑七十者稀堪作後生之領袖況學通於今古而德著於邇遐孫子說門庭皎皎欲安閑於壽考期宴享於福禧匪藉帝麻孰從民欲羨繁芝連之座肆舒槐柳之壇龍璧輪誠鳳縵効疑幡花搖曳琳琅而憂玉聲馳旂葆嚴難鏗鏘而鳴金韻洽旁拱虛无之相中疑妙有之容天地交歡神人允稜為齋主某前除摠累和合命身俾祿算之增延庶壽齡而益茂以今晚朝行道請法眾等運茲初捨上香願此香煙騰空逕上供養无上至真道寶臣等皈身皈神皈命首體投

地願以是功德上祝

皇帝陛下伏願鼓吹百王蕭韶萬國功越禹運奉玉帛以朝東勢越堯疆混車書而拱北傾正朔同天極升降之度觀治朝旦日輪出入之區壽若嵩衡復三光而有永福如溟渤流八海以無疆今故燒香自皈依師尊大聖眾至真之德得道之後保天長存和與道合真以今晚朝行道請法眾等運茲二捨上香願此香煙騰空逕上供養无上至真經寶臣等皈身皈神皈命首體投地願以是功德皈流齋主某伏願芝蘭挺秀梧竹蠶英筆陣獨掃於千軍富哉學問詞源倒流於三峽偉矣文章聲猷克著於少年道德獨推於晚景金魚玉帶逾萬鍾天祿之榮袞衣綉裳享九鼎公食之貴今故燒香自皈依師尊大聖眾至真之德得道之後長享和平和與道合真以今晚朝行道請法眾等運茲三捨上香

願此香煙騰空逕上供養

无上至真師寶_臣等皈身皈神皈命首體投地願以是功德皈流四方九牧萬姓三軍伏願國富賢材朝多俊彥論道廟堂之上曰都曰俞聯事郡國之間維藩維翰來百王而宜德于庶民以施仁日麗棘門夜盡關於刁斗月明柳寒畫絕響於鈺聲今故燒香自皈依師尊大聖眾至真之德得道之後永保清寧和與道合具

禮方 懺方

三啓

三禮

重稱法位

具位_臣恭與臨壇官眾等謹同誠上啓

虛无自然元始天尊無極大道太上道君太上老君昊天至尊玉皇上帝紫微天皇大帝

紫微北極大帝后土皇地祇南極長生大帝東極青華大帝好生丈人真君九天應元雷聲普化天尊長生保命天尊福生無量天尊十方靈寶天尊十方已得道大聖眾至真諸

君丈人諸天大帝瓊閣高真玄都玉京金闕七寶瓊臺紫微上宮靈寶至真明皇道君上相上宰上保上傳四司五帝十二仙卿三十六部尊經玄中大法師三天大聖師靈寶經籍度三師真君靈寶官屬三界真靈伏聞茹

芝避世偉育嶺之衣冠餐柏適時儼泰宮之人物鬢髮已白臆膽猶青雖却粒以真神仙本延年而超世俗固繇天賦亦肇人為歷觀邃古以來循至當今之際稟命蹇促端藉備持錫壽急賒靈密踐履今齋主恭馳誠紫極扣首玄穹期世壽之永延冀福源之克壯猶慮劫終劫始身後身前動涉百非靜違十戒貪榮貴而賤名檢恣淫殺而叛綱常慢老凌孤徇利背義致姓書於黑簿遂字削於丹篇或金井數中表星臨照或銀河局內凶曜躔離匪緣上帝之監觀焉俾下民之安泰庸嚴焗舍肅輅龍輶繞香散花為勤拳而謝過修齋行道羨稽首以投誠伏冀道炁敷羅德音洞煥滌宿生之冤對劑今世之愆尤錫以華齡介茲景福光風霽月常覆護其禧期景星

慶雲每追隨其動履去來今之萬緣俱寂上中下之三壽兼全庭戶無塵兒孫有慶蒙印翦莖之懸允符葵藿之忱上願道化興行經法流演天圖照耀地紀安寧日月輝華八表慶金穰之喜山川明潤四時調玉燭之和野純遺蝗朝多鳴鳳魚鼈咸若布陽德於生靈神鬼攸寧推陰誠於化化圓方恩覆遐邇仁周則上明

天尊大慈之化下副_臣等皈命之誠謹啓以聞

十二願

存神燒香

香官使者左右龍虎君侍香諸靈官當今_臣建齋之所自然生金液丹碧芝英百靈眾真交會在此香火爐前_臣學道得道求仙得仙齊主受福幽顯沾恩十方仙童玉女侍衛蘭煙傳_臣向來所啓速達運御大上无極大道至真玉皇上帝御前

出堂頌

靈寶頌救濟度金書卷之二百四十四